

I nogat narapela man inap long helpim yumi, long olgeta hap graun, God ino soim arapela nem long yumi bilong kisim bek yumi. *Aposel 4:12*

Harim, bai yu kama long Kot na lus long hell em pei bilong sin. Tasol God laikim yu tumas. Sapos yu Tanim Bel, Bilip long Jisas na sigautim Em long helpim yu, Em bai kisim bek yu.

Olsem na olgeta man i kolim nem bilong Bikpela na sigaut long em, bai em i kisim bek ol. *Rom 10:13.*

**PREA NAU LONG GOD KISIM BEK YOU**

*O God, nau mi save mi i stap sinman. Yu bin sori long mi na salim Jisas ikam dai long mi. Mi bilip long Jisas na toksori long ol sin bilong mi. Tekewe olgeta sin bilong mi na kisim bek mi. Jisas, yu kam insait long laip bilong mi. Tenkyu Papa God long kisim bek mi long nem bilong Jisas, Amen.*

Salim adres sapos yu kisim Jisas pinis o laikim helpim

Nem.....

Adres.....



Planti man ting olsem ol orait long ai bilong God. Tasol sapos yu askim God olsem, Mi yet olsem wanem, God? God bai tokim yu olsem;

### 1. YU IGAT SIN

Baibel i tok long dispela olsem; I nogat wanpela stretpela man i stap. Nogat tru. Nogat, yumi olgeta man yumi bin mekim sin na yumi no inap stap wantaim God long heven. *Rom 3:10, 23*

### 2. OL SIN BILONG YU

Pasin Pamuk, bihainim god giaman, bagarapim marit, laikim pasin olsem meri, mekim pasin igat sem wantaim ol arapela man, stil, magal long samting bilong arapela man, spak, tok bilas long arapela man, pulim samting bilong arapela man, / *Korin 6:9,10*

### 3. YU BAI SANAP LONG KOT

Olgeta man mas dai wanpela taim tasol na bihain ol i mas kamap long Kot. *Hibru 9:27*

Na mi lukim ol dai man i stap, Ol man igat nem na ol man nating, ol i sanap long pes bilong sia king. Na man i sidaun long sia king opim sampela buk. Em i opim narapela buk tu, em buk bilong laip. Na em skelim olgeta dai man. Em i lukim ol rait i stap long ol dispela buk na em i skelim ol dai man inap long olgeta pasin ol ibin mekim. Solwara i givim bek olgeta dai man i stap long em, na dai wantaim hell i givim bek olgeta man i stap long dispela. Na Jas i skelim olgeta man wan wan, inap long olgeta pasin ol i bin mekim. *Revelesen 20: 12, 13*

### 4. BAI YU LUS LONG HELL, PEI BILONG SIN

Ol man nogut na ol lain manmeri i save givim baksait long God, olgeta i mas dai. *Sam 9:17*

Sin i save givim pei long wok boi bilong em. Dispela pei em dai tasol. *Rom 6:23a*

Em i tromai dai wantaim hell igo daun long dispela bikpela hul igat paia. Dispela ples paia em namba tu dai. *Revelesen 20:14*

### 5. EM (GOD) LAIKIM YU TUMAS

God igat wanpela pikinini tasol i stap. Tasol em laikim tumas olgeta manmeri bilong graun. Olsem na em givim dispela wanpela pikinini long ol. Em i mekim olsem bilong olgeta manmeri i bilip long em, ol ino ken lus. Nogat. Bai ol i kisim laip i stap gut oltaim. *Jon 3:16*

Tasol yumi stap sin man yet na Kraisi dai bilong helpim yumi. Long dispela pasin, God i soim yumi em i givim bel bilong em long yumi. *Rom 5:8*

Jisas ino save mekim sin, tasol God ibin bungim olgeta sin bilong yumi antap long Jisas na Em kamap sin man tru. God i mekim olsem bilong yumi ken stap long Kraisi na long strong bilong Em, yumi ken kamap stretpela manmeri bilong God. // *Korin 5:21*

### JISAS TASOL BAI HELPIM YU

Tasol long ol man kisim Em, em ol man i bilip long nem bilong em. Long ol dispela, em i givim namba bai ol i ken kamap pikinini bilong God. *Jon 1:12*